



Ostereidet Fus Barnehage AS
Ørnnova 1
5993 OSTEREIDET

Referanser:
Dykkar:
Vår: 17/1728 - 17/33935

Saksbehandlar:
Astrid Namtvedt Sylta
syas@lindas.kommune.no

Dato:
05.12.2017

Rapport frå tilsyn i Ostereidet FUS barnehage 29.11.2017

Ostereidet FUS barnehage er ein privat barnehage som vert driven av FUS AS og er eigd av Trygge Barnehager.

Det er barnehagen / barnehageeigar som er målgruppa for tilsynsrapporten. Rapporten skal beskrive tema for tilsynet, formidle dei rettslege krava, kva vi har undersøkt, våre vurderingar og kva vi har konkludert med.

Tema for tilsynet

Det er gjennomført tilsyn med Ostereidet FUS barnehage der temaet var, sitat rammeplan:

- *Barnehagen skal fremje kommunikasjon og språk.*
- *Kommunikasjon, språk og tekst .*

Tilsynsmynde har vurdert om barnehagen har ei drift som er lovleg og forsvarleg i høve til Barnehagelova og forskrift.

Før tilsynet vart gjennomført ba Lindås kommune om å få tilsendt fylgjande dokumentasjon:

- Barnehagen sin årsplan.
- Anna relevant dokumentasjon i høve til tema språk og kommunikasjon.
- Plan for implementering av ny rammeplan, fokus på språk og kommunikasjon.
- Kompetanseplanar.

Formålet med tilsyn/rettslege krav

§ 16.Tilsyn

Kommunen fører tilsyn med virksomheter etter denne lov.

Kommunen kan gi pålegg om retting av uforsvarlige eller ulovlige forhold ved godkjente eller godkjeningspliktige virksomheter. Hvis fristen for å etterkomme pålegget ikke overholdes, eller hvis forholdet ikke lar seg rette, kan kommunen vedta tidsbegrenset eller varig stenging av virksomheten. Kommunens stengingsvedtak skal sendes fylkesmannen til orientering. I stedet for eller i tillegg til stenging av virksomheten, kan kommunen bruke økonomiske reaksjoner overfor ikke-kommunale barnehager dersom krav etter § 14 a, eller forskrift i medhold av samme bestemmelse, ikke er overholdt.

Vedtak om retting og stenging og vedtak om anvendelse av økonomiske reaksjonsmidler kan påklages til



fylkesmannen.

Tilsynet er dei aktivitetar som kommunen utøver for å sikre seg at barnehagane vert drivne i høve til krav i Barnehagelova og forskrift. I tillegg til å kontrollere om lovverket vert følgt, er det eit tilsynsansvar å gjere faglege vurderingar og gje rettleiing. På nokre område gjev lova detaljerte føringar, medan det på andre område er ope for skjønn.

I tilsynsoppgåva ligg det at det skal førast kontroll med at barnehagane følgjer gjeldande regelverk, og at det vert gitt reaksjonar når ikkje krav vert oppfylte.

Rapporten omhandlar resultat frå tilsynet som var meldt 31.10.2017 og som vart gjennomført 29.11.2017.

Gjennomføring av tilsynet

Tilsynet er gjennomført ved å hente inn og vurdere dokumentasjon. Det er også gjennomført synfaring i barnehagen og intervju / samtale etter oppsett plan.

Oversikt over personer som vart intervjuet i tilsynet :

Namn	Stilling
Ruth Henanger Jordal	Dagleg leiar / eigar
Jorunn Zahl Soltveit	Pedagogisk leiar
Henriette Nævdal Telle	Fagarbeidar
Kristine Kleiveland	Assistent
Siri Hindenes	SU-leiar

Tilsynet var gjennomført av Astrid Namtvedt Sylta, Lindås kommune og Åshild Hope Herland, Austrheim kommune.

Våre vurderingar

I Ostereidet FUS barnehage ønskjer personalet å skape magiske opplevingar i kvardagen, dei kallar det *kvardagsmagi*. Det fekk tilsynsmynde oppleve . Styrar fortalde om eit filmprosjekt der dei gjorde opptak om *natta* for å få oversikt over kva som verkeleg skjer i barnehagen når ikkje barna og dei vaksne er der. Dei har mistanke om at nissen har kome ned frå loftet, dei finn så mange rare spor. Tilsynsmynde fekk sjå ein filmsnut, og alt tyder på at adventstida i barnehagen vert full av magi!

I tilsynsbesøket møtte tilsynsmynde representantar frå dei ulike yrkesgruppene i barnehagen. På den måten fekk ein som mynde ei oversikt over kva kompetanse som er i personalgruppa. Gjennom synfaring på avdelingane fekk ein sjå korleis dei la til rette for eit godt språkmiljø.

Alle FUS barnehagane har ein felles visjon: «*Saman gjev vi barndomen verdi. Leik og gled. Kvardagsmagi og vennegaranti*». Satsingsområde i Ostereidet FUS barnehage er språk og leik. *Dette handlar om livslæring, å førebu ungane på livet, sa dagleg leiar.*

I Ostereidet FUS jobbar dei med DUÅ, og dei ønskjer å starte med Dinosaurskule frå hausten 2018. Heile personalet er i gang med opplæring i Språkløypene, og på dei to store avdelingane har dei språkgrupper for alle barna kvar veke. I språkgruppene vert det jobba systematisk med Fonomagika, der det er fokus på å lære lydane.

På alle avdelingane vektla dei språkarbeidet, tilpassa etter alder:

- Personalet brukar språket aktivt i alle kvardagssituasjonar. Sit namn på alt dei gjer saman med barna.
- Måltida vert nytta til gode samtalestunder. Les ofte bok på slutten av måltidet.
- Jobba med «klovnekort» - god munnmotorikk.
- Les mykje bøker. Brukar «lesestopp» for å samtale om boka. Barna spør ofte etter same bok fleire gonger.
- Har besøk av bokbussen annan kvar veke.
- Gjennom språkgruppen får alle barna språktrening.
- På turdagar finn barna *skjegg* på trea, tilbake i barnehagen leitar dei på internett og finn namn og anna informasjon om det dei har funne.
- Barnehagen jobbar systematisk med å leggje til rette for god rolleleik = god språkstimulering. Barna har t.d. fått eigne «bankkort» som dei brukar når dei leikar butikk.
- Brukar TRAS, men ikkje til alle barna. Dagleg leiar vurderer å endre på dette.

I samtale med foreldrerepresentanten kom det fram at ho var godt nøgd med barnehagen. Ho hadde berre positive opplevingar, og hadde heller ikkje fått negative tilbakemeldingar frå andre foreldre. Foreldrerepresentanten la vekt på at personalet var stabilt, det same var vikarane.

I samtale med dagleg leiar kom det fram at sjukefråveret i Ostereidet FUS barnehage var lavt. Dette bar barnehagen preg av. Personalet sa at det var travelt på jobb, men dei hadde det kjekt. Fleire av dei tilsette sa *at me vektlegg ikkje å ha så mykje fint på veggane, me vil prioritera ungane*. Alle dei tilsette sa at dei håpa at det kom ei bemanningsnorm i barnehagen. Litt meir til til planlegging og felles møter, ville vore positivt.

Som allereie sagt, vert det arbeidd godt med språk og kommunikasjon i Ostereidet FUS barnehage. Litt fram i tid er det særleg to område barnehagen ønskje å setje fokus på. Det er realfag og digital praksis i barnehagen. Dei ønskjer å sjå på korleis dei kan jobbe med dette for å utvide barna sin kompetanse, både innan leik og språk.

Konklusjon

Etter tilsynet ser ein at det vert arbeidd godt med språk og kommunikasjon i Ostereidet FUS barnehage. Særleg måten personalet såg samanheng mellom tilrettelegging for god leik og språkutvikling. *Kvardagsmagien* talar for seg sjølv.

Samsvar med Barnehagelova

Tilsynsnemnda har i tilsyn med Ostereidet FUS barnehage ikkje avdekket lovbrøt.

Med helsing

Kristin Moe
kommunalsjef

Astrid Namtvedt Sylta
rådgjevar oppvekst

Dette dokumentet er elektronisk godkjent og har difor ingen signatur.

Mottakarar:

Ostereidet Fus Barnehage AS

Ørnnova 1

5993

OSTEREIDET